



ATASSUT INATSIARTUNI

ATASSUT

UKA 2013/74-1

Knud Kristiansen

24.10.13

Inunnik najugaqarfigineqartuni aallaasersornerit Kalaallit Nunaani pinerluttulerinermik inatsisip ataani inissisimalersinneqarnissaat, tamatumani inatsisit unioqqutinneqarnerini pineqaatissiisalernissat aammalu aallasersornermi aallaasit atorineqartut arsaarinnissutigineqartalernissaanik Naalakkersuisut Danmarkip Naalagaaffianik isumaqatiginninniarnissamik aallarniinissaat Naalakkersuisut peqquneqarnissaat pillugu Inatsisartut aalajangiiffigisassaattut siunnersuut.

(Inatsisartunut ilaasortaq Jens B. Frederiksen, Demokraatit)

Demokraatit sinnerlugit Inatsisartuni ilaasortap Jens B. Frederiksen Inatsisartut aalajangiiffigisassaattut siunnersuutaanut imatut ATASSUT-mit oqaaseqaateqassaagut:

ATASSUT-ip politikikkut sulineranut pingaaruteqartuarsimasoq, inuiaqatigiittut ingerlatsinitsinni innuttaasunut avataaniillu tikerartutut nunatta toqqissisimanartuunissaa, aammalu nammineq inuunitsinnut akisussaassuseqarnissarput. Taamatut oqareerluta, pingaaruteqarpoq inatsisiliortarnitsinni toqqissisimanissamik tunngavilersuinissatsinnut, piorsarsimassutsikkut aammalu ileqqutsinnik suliatta tunngaveqarnissaat - matumanilu siunnersuummi pineqartumi aammalu Naalakkersuisut siunnersuummut akissuteqaataanni ilanngullugu isiginiarneqartariaqartoq.

ATASSUT-mit siunnersuuteqartoq Jens B. Frederiksen assortunngilarput aamma tunngaviusumik siunnersuutaa tapersorsorparput, pisariaqarmammi nalilersussallugit qaqugukkut politiit peqqussutai imaluunniit pinerluttulerinermut inatsit aallaavingalugu qisuariartoqassanersoq - tassami qanorluunniit ikkaluarpat, pisariaqarluinnarpoq inuiaqatigiittut qisuariartarnissarput takutillugulu suut akuersarneqarsinnaanersut aammalu suut akuersarneqarsinnaannginnersut.



ATASSUT INATSIARTUNI

Naak ullutsinni aallaasit Nunatsinni naliginnaasumik kikkunnit tamanit pigineqartaraluartut piniarnermik aalisarnermillu aallussisarnitsinnik ileqqoqarnerput aallaavigalugu, taamaattoq aamma ilisimaarilluinnarparput piniarnermut sakkut mianersortumik atugassaaneri. Qularutiginnilarput inatsisitigut sukaterinerit, ungasinnerusq isingalugu pinaveersaarutaasarsinnaanerat.

Naalakkersuisut siunnersuummut akissuteqaatiminni oqaatigivaat, 2014-imut aningaasanut inatsisissatut siunnersuummi inatsisit atortinneqarnerinut atorfinnik marlunnut aningaasaliisoqarsimasoq, tassanilu ilaatigut siunnerfigineqarluni Kalaallit Nunaannut Pinerluttarnermut Inatsisip aamma Kalaallit Nunaannut Eqqartuussisarneq pillugu Inatsisip sukumiisumik misissorneqarnissaannik suliaqartussaallutik, tamanna tunngavigalugu ATASSUT-mit Naalakkersuisut apererusuppavut sukumiisumik misissuinerit qaqugu naammassineqarnissaat naatsorsuutigineraat?

ATASSUT-mit Naalakkersuisut isumaqatigivagut suliat ataqatigiissarneqarluarsimasumik suliarineqarnissaat aatsaallu Danskit Naalagaaffiannut isumaqatiginninniarnit aallartinneqassasut suliat pingaarnersiorneqarneri naammassisimalerpata - imaassimassappat ukiup ataatsip ingerlanerani pisoqarsinnaanera, illuatungaani nalomnisigineqarpat aatsaallu ukiut marluniit tallimat tungaannut ingerlasoqaqqaassappat, taava ATASSUT-mit isumaqarpugut utaqqinissamut tunngavissaqanngitsoq, massakkulli piffissaliineq annertunerusumik ilisimasaqarfiginnginnatsigu, taava ATASSUT-mut nalorninarpoq Naalakkersuisut akissuteqartinnagit, erseqqissumik innersuussuteqarnissarput.

Naggasiullugu ATASSUT-mit siunnersuuteqartoq siunnersuuteqarneranut qutsavigerusupparput, taavalu Naalakkersuisut qinnuvigissavagut pingaarnersiulluni pilersaarusiornissamut sukumiisumik misissuinissap imarisassaa piffissalernerneqarneralu pillugu Inatsisartut Inatsiseqarnermut Ataatsimiititaliaanut nassuiaateqaqqullugu, tamannalu pisinnaaqullugu Siunnersuut ataatsimiititaliamut ingerlateqqinneqassasoq ATASSUT-mit inassutigissavarput.